



CRÈSIA DE SANTU GIORGI MÀRTIRI



Acabàt in su 1520, est cunsiderada unu de is edifìtzius prus importantis e particularis de cussus chi faint parti de s'architettura tardugòtica de sa Sardìnnia meridionali, po mori ca tenit unu tipu de costruzioni beni cunservau e totu ogualli fora de ai tentu modìficas. Custu sarvu de is arredus in màrmuri torraus a fai in su Setixentus po s'altari, batistèriu, trona e balastru fintzas in is capellas.

Is capellas, sa sagrestia prus antiga funt fatas cun su pròpiu stili gòticu.

Sa faciada e su campanili funt intreus.

Su campanili tenit forma cuadrada, cun cuàturu fentanas a arcu acutu, innui ddoi funt is campanas. A printzìpiu potàt



COMUNU DE SESTU TZITADI METROPOLITANA DE CASTEDDU

sa punta, chi nd'est stètia bogada in is annus Sessanta de su sèculu passau.

In su 1709 benit cuncordau s'orològiu, pustis ai agatau su dinai e su modu de ddu fai, ma sigumenti no funtzionàt beni, nci passànt is annus e sa genti no fiat cuntenta ma no si teniàt su dinai po ddu cambiai.

Epuru epuru in su mesi de Gennàrgiu de su 1931 benit aviau s'orològiu nou, ma custu puru at smìtiu de funtzionai allestru e in su 1971 sa Giunta Munitzipali at deliberau de ndi comperai un'àteru, montau in su 1973. Una pariga de annus e s'est guastau.

In su 1997, s'Aministratzioni Comunali at decìdiu de ddu torrai a fai funtzionai e de su 03 de Maju 1998 no s'est prus firmau.



Aintru de sa crèsia ddoi funt cincu capellas a sa parti dereta, e cuàturu a sa parti de manca po mori ca ddoi est un'intrada. Funt stètias costruidas de su XVII a su XVIII sèculu.



COMUNU DE SESTU TZITADI METROPOLITANA DE CASTEDDU

S'intrada laterali a printzìpiu fiat s'ùnicu chi ddoi fiat, cussu in sa faciada benit abertu in su 1590.

In sa primu capella a sa parti dereta, fata po ùrtimu in su 1720, ddoi est sa fonti po is batiaris.

Sa bùssola de linna chi est in s'intrada printzipali est de su 1770, fata in Casteddu, impari a sa balaustra, su frontoni, is gradinus e sa nìchia po s'altari de Santu Giorgi po sa segundu capella.

Sa de tres capella a printzìpiu fiat intitulada a sa Madonna de s'Arrosàriu, costruida in is annus 1616-1618. Agoa intitulada a Santu Franciscu Savèriu, a sa Madonna Addolorada e po ùrtimu a sa Vèrgini Imacolada.

Sa de cuàturu capella intitulada a printzìpiu a Santu Antiogu po mori de una stàtua de perda de custu Santu, benit incumentzada in su 1624 ma in su 1650 no funt ancora acabaus. Agoa benit intitulada a su Sacru Coru.

S'ùrtima capella de sa parti dereta benit intitulada a s'Assunta, faci a-i cussa de su Crocifissu. Ambaduas benint comissionadas de su canònicu Antioco Matza Loy de Sestu, incumentzadas in su 1647 e acabadas pustis medas annus po mori ca is traballus benint firmaus prus bortas.

A fiancu de pari de sa capella de s'Assunta ddoi est sa Sagrestia bècia, de su XVI sèculu.

Sa primu capella de parti de manca est prus pitica po mori ca est impari a su campanili, dedicada a is Ànimas de su Purgatòriu; traballus de su 1597 a su 1611.



COMUNU DE SESTU
TZITADI METROPOLITANA DE CASTEDDU

Sa segunda capella de manca est po Santu Gemilianu, acabada pustis su 1670.

Sa de tres, dedicada a printìpiu a Sant'Antoni da Pàdova e a Santa Maria Maddalena, benit fata in su 1671, agoa intitulada a San Gaetano de Tiene (in su 1760), a Santu Pascuali Baylon e po ùrtimu Santu Franciscu de Assisi.

A fiancu ddoi est s'intrada laterali a crèsia, chi a printzìpiu fiat s'ùnicu fintzas a su 1590.

Sodighendi, ddoi est sa capella de su Crocifissu.

Sa Sagrestia noa est stètia fata fai in su 1725, de su canònicu de Sestu Antoni Carcassona, dedicada a Santu Savèriu.

Custu canònicu at fatu costruiri fintzas sa trona e arrangiai su Santìssimu Cruxifissu.

S'altari est su primu esempru de altari fatu totu in màrmuri colorau e pretzedid s'amodernamentu de is arredus in màrmuri chi s'ant a ponni pustis cincuant'annus agoa in is crèsias de Casteddu.

Trona e palandrau funt de màrmuri e fatus in su de XVIII sèculu.

Ddoi est unu fonti po is batiaris de su 1566, su segundu de su 1635 e un'àteru de su 1744.

Su primu òrganu de sa crèsia benit comperau in su 1693.

De su 1754 a su 1755 ndi benit sistemau un'àteru impitzus de s'intrada.



COMUNU DE SESTU
TZITADI METROPOLITANA DE CASTEDDU

In sa crèsia ddoi funt una pariga de quadrus, aintru de sa sagrestia cun Santus e Gesù Cristu.

Is arredus sacrus funt parìcius, e medas de prata.

Sa stàtua de Santu Giorgi est de linna colorada, de su scultori Giuanni Arremundu Atzori e acabada in su 1812.